



## Naunaipkutaq Titiraq

### ***Havauhikhait Tamatkiumayut Maligaliuqtilluat Maligaliuqtillu Katimayiit***

Hapkua katimaqatigiit titirattiaqhimagayut talvani *Maligaliurvingmut Aulapkaiyiryuanullu Katimayiit Maligait.*

- Tamatkiumablutik Maligaliuqtilluat taimaa tamatkiuvaktut 19-ngublutik Maligaliuqtiyut.
- Maligaliuqtiinnait Katimayilluangnit ilaqaqtuq Maligaliuqtiinnarnik (MLA-nguyut Uqaqtiup ahianit, Hivulliqtilu Ministaniglu).

Taapkua katimaqatigiit hakugingniqanngittuugaluit Maligait ataani, katimatjutauvaktut talvuuna MLA-nguyut unipkaariinnarialgit kamahukhimaittumik parnaiyaibluni havaakhat Maligaliurvingmi, irininatqiyat havaarilluarumablugit ahiniglu havaakhat ataniqtuqtuiyaanit Maligaliurviup.

Tamangnik Maligaliuqtit taapkualu Maligaliuqtiinnait niruaqpaktut Ikhivautalingmik Tuglianiglu. Ikhivautalik Maligaliuqtinut taamnalul Ikhivautalik Maligaliuqtiinnarnut akiliqtauvaktut ukiuq tamaat akikhait ahiagut havaamingnit.

Taapkua Maligaliuqtiinnait katimavaktut Katimaliraangamik Maligaliurvingmit parnaiyaqhugit Maligaliuqtit havaakhait Maligaliurvingmi. Ikhivautalik Maligaliuqtiinnarnut katimaqatigiinnarialik Kavamatkut Katimavianit Hivuliqtialu taapkualu Titirarviat Titiraqtip parnaiyailutik havaakhainik Maligaliurviup. Takupkaqtittivaktut kavamatkut havaanginik, naunaiqhitiqattaqhutik kiinauyanik, talvunga Maligaliuqtiinnanut.

Katimagaangamik Tamatkiumablutik Maligaliuqtit akhuurnaqtunik katimayiuvaktut talvani tamangnik 19-nguyut MLA unipkaanginnarialgit, kamahukhimaittumik naatkutigiikhutiglu, ihumagiyainik. Taapkua Nunavunmi maligakhaliuqtakhat kiinauyaniglu atuqtakhat unipkaariyauyukhat natirmi Maligaliurvingmi,

Maligaliuqtit tamatkiumablutik katimagaangamik ihuinaaqutauyut ihuaqhaqtauvaktut talvani.

Tamatkiumablutik Maligaliuqtit katimagaangamik parnaiyaivaktut Maligaliurviup havaakhainik, ihivriuhivakhutiglu havaakhanik havagviinit qakugulu niruaqtarniarumik.

Ilihimagukhauyuhittauq taimaa Maligaliuqtit Maligaliuqtiinaiillu Katimayiralaanguyut Maligaliurvingmut. Taimaa, Piquyakhat tuniyauyuitut taapkununga ihivriuqtauyukhat taiguaqtautqigaangamik Maligaliurvingmi. Maligaliuqtit Maligaliuqtiinaiillu hakugingniqanngittut katimapkaiyaami naalagiaqtittiyaamilu imaalu aadjikkutaliurnirmiglu titiqqanik.